

M313: Karl und Galie (D)

0,11274 "sô wile ich guot inde leben .
0,11275 durch dich wâgen alse dû wilt .
0,11276 inde vore allen den wesen holt .
0,11277 die heidenen obe kristenen sîn .
0,11278 wan Orîe die swester mîn .
0,11279 is mir verloren al zuo leide
0,11280 Girfein tuo mir kurz bescheide .
0,11281 want ich weiz in wâren sinne .
0,11282 daz mîn swester is dâr inne
0,11283 en læzes dû si mir niet wider .
0,11284 sô ne wile ich niemer sider .
0,11285 gescheiden ûzer disen lande .
0,11286 ich en tuo dir grôze schande .
0,11287 want ich bin alsô kumen here .
0,11288 daz ich ûf dîn gere .
0,11289 ahten harte kleine ."
0,11290 Girfein dê vürste reine .
0,11291 lief dô balde in allen gân
0,11292 oben ûf die zinnen stân
0,11293 inde antwurte Oriase dô .
0,11294 alsus sprach hê ime zuo .
0,11295 "Orias dû habes sêre .
0,11296 mir gedröuwet an mîn êre
0,11297 umbe dîne swester Orîen .
0,11298 der maht dû wole verzîhen .
0,11299 si ne en gert mit dir niet ze sînne .
0,11300 noch an die abegote dîne .
0,11301 en kêret si sich niet ein twint .
0,11302 si is die rede alse ein wint .
0,11303 want sie geloubet schône .
0,11304 an die maget vrône .
0,11305 unse vrouwen sancte Marîen .
0,11306 man sal si mit Galîen .
0,11307 toufen inde kristen machen .
0,11308 mit harte lobelîchen sachen .
0,11309 in der stat zuo Parîs .
0,11310 vore allen gar den vürsten wîs .
0,11311 durch daz lâ die zale belîben .

0,11312 ich hoffe dich vile wole vertriben .
0,11313 kurzliche van disen velde
0,11314 mit grôzer kraft inde mit gewelte .
0,11315 sô mir mîn hêre Jêsu Krist .
0,11316 hette ich zuovoren gewist .
0,11317 die hervart di dû hâs getân .
0,11318 ich solte dir al sunder wân
0,11319 mit nîden sîn begegnet sô .
0,11320 daz dû es niemer en wûrdes vrô”
0,11321 Orîe die wole getâne fiere .
0,11322 quam gegangen schiere .
0,11323 bî Girfeine zuo den zinnen
0,11324 inde begunde mit unminnen
0,11325 iren bruoder antwürten schône .
0,11326 si sprach “bî gote van den trône .
0,11327 bruoder mîn hêrr Orias .
0,11328 iuwer Mahumet is gar ein twâs .
0,11329 die rede is wâr inde ungelogen .
0,11330 ir sît alle betrogen
0,11331 an iuweren apgote ze wâren”
0,11332 nochdanne sprach si offenbâre
0,11333 “bruoder mîn hât ir mich liep
0,11334 sô merket rehte disen brieve .
0,11335 wilt ir daz ich iuwere swester sî
0,11336 sô kumet mîneme gelouben bî
0,11337 inde kêret iuch mit sinne
0,11338 an die gewâre kûninginne
0,11339 die Jêsum Christum getruoc
0,11340 siet bruoder mîn sô solet ir genuoc
0,11341 êren haben in iuwer grabe
0,11342 anders müezet ir mîn wesen ab
0,11343 inde sô en sît ir niet mîn bruoder
0,11344 weder van vater noch van muoter .”
0,11345 Orias dê wolegeborene .
0,11346 antwurte Orîen dô mit zorne .
0,11347 “swester daz sî iuch gesât .
0,11348 an den gelouben den ir hât .
0,11349 dâr ane en kumen ich niemer ze wâre .
0,11350 mæ ich sal offenbâre .
0,11351 hier ligen biz ich iuch gewinne .
0,11352 danne sal ich iuch mit boesen sinne .
0,11353 zuo hundert tûsent stücken houwen .”
0,11354 Orîe sprach “ûf iuwer drouwen .
0,11355 is mich min danne ein bast .
0,11356 want diuse burc is sô vast .
0,11357 ouch sint hier soliche ritter binnen .
0,11358 die si niet en lâzent winnen .”
0,11359 Karl quam gegangen zuo den worten .

0,11360 van ende zuo den orten .
0,11361 hôte hê si betalle .
0,11362 des begunde hê mit schalle .
0,11363 harte sêre lachen .
0,11364 inde vrôuwede des machen .
0,11365 wan Orîe die wîse
0,11366 in sô guoten prîse
0,11367 iren bruoder antwurte alsô
0,11368 des wart der küninc Karl durchvrô
0,11369 ouch vrôuwete si sich es in guoten sinne
0,11370 zuo mâle Galîe die küniginne
0,11371 die wîle daz Orîe lac .
0,11372 inde mit iren bruoder sprach
0,11373 sô hatte hê sich dô schiere .
0,11374 Godîn dê küene ritter fiere
0,11375 gewâpenet inde schône bereit
0,11376 sîn ors Liarde hê dô beschreit .
0,11377 daz tet hê alsô stille .
0,11378 sô nieman umbe sînen wille .
0,11379 en wiste war hê rîten wolte .
0,11380 ob waz hê schaffen solte .
0,11381 êr man sich mohte bewaren .
0,11382 sô quam Godîn gevaren .
0,11383 ûzer der porzen ungeswâse .
0,11384 engein den heidenen Oriase .
0,11385 Godîn dô zuohant mit sporen sluoc .
0,11386 Orias daz niet en vertruoc .
0,11387 hê quam zehant in sîn gemüete .
0,11388 dâ stâchen sich die ritter guot .
0,11389 sô daz die schefte brâchen beide .
0,11390 mannelîch greif dô an die scheide .
0,11391 inde nâmen die swert zuo den henden .
0,11392 dâ sach man die zwêne wenden .
0,11393 ûf ein mit grôzen êren .
0,11394 sunder einic erværen .
0,11395 begunden si sich houwen .
0,11396 sô man ez zuo wundere mohte schouwen .
0,11397 si wâren beide manlich genuoc .
0,11398 mit zorne ir iewelich zuosluoc .
0,11399 deme anderen sînes schildes rant
0,11400 al ze stücken umbe die hant .
0,11401 dâr nâh zuohouwen si die helme
0,11402 daz die scharten zuo den melme
0,11403 dar nider vielen ûf die erde
0,11404 van ire zweier swerte
0,11405 vuoren sûre winde .
0,11406 si vâhten alsô swinde .
0,11407 des tages eine lange wîle .

0,11408 sô man eine mîle
0,11409 hette gegangen inde mêr .
0,11410 nû wart in beiden sô wê .
0,11411 van grôzer müedicheite .
0,11412 sô daz si sich beide .
0,11413 mit gemüete schieden offenbâre .
0,11554 –[...] niet wole en kunde gewinnen
0,11555 der sturm inde ouch die überbraht
0,11556 dûrte biz daz die naht
0,11557 geschiet in beiden sîten
0,11558 inde Orias begunde rîten .
0,11559 wider in sîn pavelûn .
0,11560 alsô tete sîn neve Ortûn
0,11561 doch hatte Orias mit mâzen
0,11562 zwei hundert manne gelâzen .
0,11563 bî den burcgraben tôt .
0,11564 des nahtes Orias gebôt .
0,11565 Ortûne daz hê hielte
0,11566 die schiltwahte inde hê der wielte
0,11567 mit êren alse ein vrume man
0,11568 Ortûn antwürten began
0,11569 daz hê sunder widerrede
0,11570 gerne tete sîne bete
0,11571 sus hielt Ortûn des nahtes ze wâre .
0,11572 die schiltwahte al offenbâre
0,11573 mit vier hundert heidenen .
0,11589 –[...] daz kristen liute ime wâren bî .
0,11590 sô was dê heiden man sô vrî .
0,11591 inde sînes gemüetes alsô küene .
0,11592 daz hê ûf der heiden grüene .
0,11593 niemanne wecken en wolte
0,11594 dê ime zuo strîtenne helfen solte .
0,11595 sunder die vier hundert heidenen
0,11596 die ime wâren ûz bescheiden .
0,11597 zuo wachenne als ich zuohant sprach .
0,11598 der mâne schein alse der tac .
0,11599 inde Ortûn begunde kêren
0,11600 entgein daz kristen volc mit êren .
0,11601 mêr danne ein ruofmâl grôz
0,11602 ûf daz hê engein gedôz
0,11603 en machete under den anderen here .
0,11604 alse Ortûn dâ mit gewere
0,11605 bî daz kristen volc was kumen .
0,11606 inde ouch die kristenen hânt vernumen .
0,11607 daz heiden liute bî in wâren .
0,11608 daz sân ich iuch ze wâren .
0,11624 –[...] die tôt dâ beliben inde lam .
0,11625 mannelîch kôs den sînen .

0,11626 dâ was arbeit mit pînen .
0,11627 dâ beleip zuo der selber stunt .
0,11628 manic tôt inde wunt .
0,11629 dâ wart an der selber naht .
0,11630 harte grôze manslaht
0,11631 van in beiden sîten
0,11632 Ortûn begunde zuo den zîten
0,11633 mit grôzer kûndicheite .
0,11634 ersetzen sich in sîn gereite .
0,11635 inde mit sporen vürewert kêren .
0,11636 ûf einen kristen hêren .
0,11637 daz was Johan van Karkasône .
0,11638 mæ r hê begænete ime sô schoene .
0,11639 zuo allermittes in deme wîge .
0,11640 sie widerriten sich mit krîge .
0,11641 sô si beide nider lâgen
0,11642 weder en hôrten noch en sâhen
0,11643 inde alse si zuo in selber quâmen .
0,11644 die swert si zuo den henden nâmen .
0,11659 –[...] des nahtes hette gehalten dâ .
0,11660 Johan quam eineme rosse nâhe .
0,11661 daz stuont ledic sunder hêre .
0,11662 dâr ûf spranc der degen mære .
0,11663 weiz got dô gienc iz an ein strîten .
0,11664 swie si ez mohten gelîden .
0,11665 die kristen helde küene .
0,11666 sluogen ûf der heiden grüene .
0,11667 ein guot teil der heidenen tôt .
0,11668 mit gewalt inde über nôt .
0,11669 tâten si mit iren êren .
0,11670 die boese heidenen umbe kêren .
0,11671 wider an daz grôze her .
0,11672 êr Orias inde sîn gewer
0,11673 ûf van deme slâfe quæmen .
0,11674 inde ire gewâfen ane genæmen .
0,11675 sô wâren dô die kristenen alle .
0,11676 mit harte listelîchen schalle .
0,11677 zuo Termis in die burc gelâzen .
0,11678 dises wart Girfein vrô ûzer mâzen .
0,11679 want ime Johan van Karkasône –[...]
0,11937 –[...] vuorte hê dê hêre .
0,11938 oben ûf sîner hant .
0,11971 sô muote iz in vile sêre
0,11972 balde nækete sich dê hêre .
0,11988 –[...] “alse tete ich ouch der buozen
0,11989 durch daz versiet iuch bruoder hêre
0,11990 umbe einen anderen sperwære
0,11991 ir müget iuch dises getroesten wole

0,11992 daz wizzet sunder lügenzale”
 0,11993 “hei â jungvrouwe” sprach Orias
 0,11994 “haltet ir mich nû vüre ein getwâs
 0,11995 noch haben wir van beiden sîten
 0,11996 gegeben nû zuo disen zîten
 0,11997 guoten vriden biz morgen vruo”
 0,11998 “dit weiz ich wole” sprach si dô
 0,11999 “inde hân iz harte wole entsaben
 0,12000 daz die liute sulen vriden haben
 0,12001 mæR die sperwæren
 0,12002 en mügen sich niet kêren
 0,12003 an unse tât an unsen vriden
 0,12004 die vogel en haltent niet den siten
 0,12005 den die liute mügen halten”
 0,12007 –[...] iren wille zuo der stunte .
 0,12023 –[...] jâ des bin ich wole bescheiden
 0,12024 dô ich geloubte als ein heiden
 0,12025 dô wârt ir mîn bruoder
 0,12026 van vater inde van muoter
 0,12027 nû ne kêren ich mich niet dâr ane
 0,12028 alein hât ir manigen vane
 0,12029 mit übermuote here brâht
 0,12030 ich sal iuch nochdanne sîn entsaget
 0,12031 nû wart dâ ein grôz gelach
 0,12032 van den vrouwen ûf der bach
 0,12033 wan Orîe in wîser zale
 0,12034 gesprochen hatte alsô wole
 0,12035 entgæn iren bruoder dô
 0,12036 nû quam Karl ouch dâr zuo
 0,12037 in die wort gegangen dare
 0,12038 alse Orîe sîn wart geware
 0,12039 sô ne wolte si es niet wesen ab
 0,12040 mit guoten muote si dâr gap
 0,12041 den sperwære willicliche
 0,12042 deme hêren Karle van Vrancrîche .
 0,12198 harte schône si si dahten .
 0,12199 mit ein pfellîn deckelachen .
 0,12200 zehant schuofen si mit sachen .
 0,12201 sô daz si ire die wunde .
 0,12202 sanfte bunden an der stunte .
 0,12203 dâr nâh harte schiere .
 0,12204 sô quam Orîe die fiere .
 0,12205 zuo ir selber inde sprach .
 0,12206 “ô wê leider inde ô woch .
 0,12207 wie wê teit mir der arm mîn .
 0,12208 Orias hât mir tuon schîn .
 0,12209 sîne bôsheit offenbâre .
 0,12210 mæR doch hoffe ich ze wære .

0,12211 daz ich wole sule genesen .”
0,12212 “â daz müeze mit gote wesen”
0,12213 sprach Galie die küniginne .
0,12214 si wurden es alle vrô mit sinne .
0,12215 want Orîe die guote .
0,12216 alsô wole mit spuote .
0,12217 zuo ir selber kumen was .
0,12218 ouch wizzet daz si genas .
0,12219 van der wunden sêre .
0,12220 nû hoeret wie Orias dê hêre
0,12221 sich niet en liez vergezzen
0,12222 des hê sich hatte vermezzen
0,12223 des nâhesten morgenes harte vruo
0,12224 quam hê der burc Termis zuo
0,12225 gewâpenet mit zwein hundert heidenen .
0,12226 die hê dâr zuo hatte bescheiden .
0,12227 harte stolzlîche hê quam .
0,12228 sô schiere Karl daz vernam .
0,12229 dô tete hê sich gemeine .
0,12230 Godîne inde Girfeine
0,12231 inde Johanne van Karkasône .
0,12232 sich wâpenen harte schône
0,12233 inde Dieterîch den schenken .
0,12234 dê kunde wole bedenken .
0,12235 wanne hê sich wâpenen solte .
0,12236 hê was bereit schiere alse hê wolte .
0,12237 bî sîneme hêren Karle strîten .
0,12238 alsus wart ire zuo den zîten .
0,12239 zwei hundert harte wole bereitet .
0,12240 Karl zuo der pforzen dô ûz reit .
0,12241 die andere volgeten ime dô alle .
0,12242 bit vile tugentlîcheme schalle .
0,12243 Karl dô in sînen stegereit trat .
0,12244 engeines vriden hê ne bat .
0,12245 den helm hê ûf sîn houbet bant .
0,12246 nû wart dê küninc dô erkant .
0,12247 van eineme heiden helde aldâ .
0,12248 sîneme hêren Oriase nâh .
0,12249 dê heiden sô ich hôrte jien .
0,12250 hatte Karle gesien
0,12251 vore Tollet in deme strîte .
0,12252 inde wiste wole daz hê mit nîde
0,12253 Brêmundede hatte tôter slagen .
0,12254 dê heiden man begunde sagen .
0,12255 Oriase sîneme hêren
0,12256 daz hê danne wolte kêren .
0,12257 ob hê solte in der nôter .
0,12258 schiere sîn erslagen tôter .

0,12259 “wie sô” sprach Orias zuohant .
 0,12260 “daz wizzet hêre ich hân erkant .
 0,12261 inde mit mînen ougen erkoren
 0,12262 den dê dâ heltet zevoren .
 0,12263 gewâpenet alsô schône
 0,12264 bî Mahumete van den trône
 0,12265 iz is der bezziste ein entriuwen .
 0,12266 den ir ie mohtet beschouwen .
 0,12267 iz is dê selbe dê mit kriege .
 0,12268 vore Tollet in deme grôzen wîge .
 0,12269 sînen schilt mit êren truoc .
 0,12270 iz is der jen dê dâ ersluoc .
 0,12271 den küninc Brêmundede têt
 0,12272 iz is dê jen dê manige nôr .
 0,12273 in Val gormiale leit .
 0,12274 iz is dê jen dê dâ streit
 0,12275 vûre alle die dâ wâren .
 0,12276 daz sach ich selbe ze wâren .
 0,12277 iz is ein man vûre alle manne .
 0,12278 iz is ein der sêre vehten kan .
 0,12279 mit swerten houwen inde slân
 0,12280 daz wizzet hêre sunder wân
 0,12281 ich sach jenen alsô gebæren
 0,12282 daz ich is mac alhier erværen
 0,12283 ouch bin ich hêre des gewis
 0,12284 daz hê van solichen künne is .
 0,12285 des sîner ziene wæren .
 0,12286 hê solte sich nâh sînen êren .
 0,12287 uns entschumpfieren inde entwalten .
 0,12288 alsô alse wir hier halten
 0,12289 ouch hân ich vernomen rehte .
 0,12290 daz hê is van küniges geslehte .
 0,12291 wole is geboren inde bekant .
 0,12292 Karl Meinet is hê genant .
 0,12293 daz wizzet sunder lûgenzale
 0,12294 sîn getæne erkenne ich wole .
 0,12294a an sînen gebære an sînen gelâze .
 0,12294b merket van verrenes sîne mâze .
 0,12295 mæc mich wundert doch dâr bî .
 0,12296 wie hê here kumen sî .”
 0,12297 alse der heiden ûz gesprach .
 0,12298 Orias ine ane sach .
 0,12299 inde begunde sich zûrnen sêre .
 0,12300 hê sprach “mir is unmære .
 0,12301 wie starc hê sî inde wie küene .
 0,12302 ich sal ûf diser heiden grüne
 0,12303 mit ime strîten sunder wân .
 0,12304 alsô sal ich iz ane vâhen .”

0,12305 Orias den helm dô ûf bant .
 0,12306 ein sper nam hê in die hant .
 0,12307 die andere heidenen tâten alsô .
 0,12308 des wart Karl dô harte vrô .
 0,12309 daz die heidenen zuo den zîten .
 0,12310 mit ime wolten strîten .
 0,12311 Karles beiten en was niet lanc .
 0,12312 sîn ors hê mit den sporen twanc .
 0,12313 inde liez iz loufen als iz wære verwuot .
 0,12314 engein den heidenen stolz gemuot .
 0,12315 nû en weiz ich wie daz geschach
 0,12316 daz Karl mit deme spere ine niet en rach .
 0,12317 Oriase den stolzen heiden .
 0,12318 mêr doch wart ich des bescheiden
 0,12319 daz her drî unwerde .
 0,12320 nider reit ûf die erde .
 0,12321 den vierden stach hê durch sîn herze
 0,12322 sô daz ine der smerze .
 0,12323 tôt tete vallen ûf daz gras .
 0,12324 Karl dô harte zornic was .
 0,12325 want ime alsô was geschiet .
 0,12326 daz hê Oriase niet .
 0,12327 mit sîneme sper hatte gerachet .
 0,12328 Karl sich dô her umbe machet .
 0,12329 inde suochte Oriase dô .
 0,12330 nû was dê heiden kumen zuo .
 0,12331 ûf Johanne van Karkasône .
 0,12332 mit deme streit hê harte schône .
 0,12333 Girfein inde Godîn .
 0,12334 tâten dâ mit êren schîn .
 0,12335 ire tugentlîche maht .
 0,13289 “hê kan ouch tiuvelliche dringen .
 0,13290 in strîte inte volkwîge als ein man .
 0,13291 wê solte es trûwen daz hê wan
 0,13292 die stat van Oriette alsô .”
 0,13293 ein ritter küene wîs inde vrô
 0,13294 daz was Girfein van Termis
 0,13295 dê tete Karle des wole gewis .
 0,13296 wie daz der bischov Girnas wære
 0,13297 in strîtes nôt ein hêre .
 0,13298 “daz hatte iuwer vater dicke bevunden .
 0,13299 deme hê zuo manigen stunten . –[...]”
 0,13324 hê ne begunde sich mit mâzen .
 0,13325 heim zuo Vrancriche sâzen
 0,13326 des vrôuweten sich grôz inde kleine
 0,13327 Karles man gemeine .
 0,13328 want hê zuo lande wolte kêren
 0,13329 Karl tete dô mit êren

0,13330 Galien sitzen ûf ein pfert .
 0,13331 daz was hundert pfunde wert
 0,13332 van sîner gûete van sîner wîse .
 0,13333 solte ich nû den breitel prîsen .
 0,13334 inde den satel dê dâr ûf lac . –[...]
 0,13337 Orîen ûf ein pfert sitzet
 0,13337a –[...] “nû dû es jæmerlîche hier salt .
 0,13337b daz is mir grôz ungeval .
 0,13337c herzevriunt geselle mîn .
 0,13337d dû tætes mir vile dicke schîn .
 0,13337e dînen guoten wille .
 0,13337f beide lûte inde stille .
 0,13337g dû hattes zuo mir verschult .
 0,13337h daz ich dir was van herzen holt .
 0,13337i ô woch leider ô wê mir .
 0,13337j dû bis gescheiden van mir
 0,13337k dich hât benomen –[...] tôt”
 0,13377 sô wolte Godin der degen
 0,13378 iemer ze allen zîten .
 0,13379 mit Orîen rîten
 0,13380 hê half ir ûf inde nider
 0,13381 beide vort inde wider
 0,13382 hê dienete ir ûf genâde .
 0,13383 daz was al van der minnen râte .
 0,13384 want hê truoc an sîneme sinne .
 0,13385 ûf Orîen stille minne .
 0,13386 ouch en hazzete si sîn niet .
 0,13387 wære ime leide geschiet .
 0,13693 –[...] sêre van herzen wære leit .
 0,13694 nein ze wære si was sîn vrô
 0,13695 alein spotte si sîn alsô .
 0,13696 si sach in harte gerne .
 0,13697 si sprach iz allz in guoten scherne
 0,13698 als si ez doch hatte vore gesazt .
 0,13699 vort sulet ir wizzen daz
 0,13700 si sprach noch mêr die wolegeborene
 0,13701 rehte als ir wære zorne .
 0,13702 zuo Godîne deme hêren .
 0,13703 inde begunde in mêr erværen
 0,13704 si sprach “in wârheit Godîn
 0,13705 ir en solet sô heimelich niet sîn
 0,13706 uns vrouwen als wir willen stille .
 0,13707 schaffên unses herzen wille .
 0,13708 sô ne weiz ich wes getrûwen ze wære .
 0,13709 mæx daz mich dunket offenbære .
 0,13728 –[...] waz daz hê mich spreche aleine .
 0,13729 ir ne saget iz algemeine .
 0,13730 ob hê bî stunden bî mir sitzet .

0,13731 sal ich des sîn besmitzet .
0,13732 mit worten van iuch liebe nifte .
0,13733 daz wære gote ein unberihtē”
0,13734 sô schiere Galie dit wort volentete
0,13735 dô wart dâ in die hende
0,13736 van vrouwen sêre –[...] ûz gelachet
0,13737 inde grôze blîdeschaf gemachet
0,13738 want Orîe sô in vâren .
0,13739 vore alle den vrouwen die dâ wâren
0,13740 der worte antwurte mit solichen sinne
0,13741 aber sprach die kûninginne
0,13742 mit sêre lachentem munde .
0,13743 “Orîe nifte an diser stunte .
0,13744 gebet ir iuch schuldic diser tât .”
0,13763 des hatte si dicke wole verschult .
0,13764 si sprach iz alle durch kurzewîle .
0,13765 inde niet zuo boesen widerbîle .
0,13766 inde si wole wiste sô man uns las .
0,13767 daz ir Godîn wole wirdic was
0,13768 Galie zuo Orîen sprach .
0,13769 dô si si alsô weinen sach .
0,13770 “Orîe herzeliebe nifte .
0,13771 hoeret wes ich iuch berihte .
0,13772 lâzet iuwer trûren inde iuwer weinen .
0,13773 ob ich dit mit lôsheiten meinen
0,13774 leit geschie mir an mînem lîbe .
0,13775 neme iuch Godîn zuo eineme wîbe .
0,13776 nâh kristenen êwen in êren danne .
0,13777 inde ir in kuret vûre einen man
0,13778 sô ne mac man iuch mit rehte .
0,13779 van biderpkeiten inde van geslehte –[...]
0,13798 ir en hât liute ir en hât lant .
0,13799 iz is verheret iz is verbrant .
0,13800 beide iuwer burc inde iuwer stat .
0,13801 nifte ich râte iuch umbe daz .
0,13802 alse der man mûge .
0,13803 sîn vrumen tuon hê tuge .
0,13804 Godîn daz is ein edel man .
0,13805 ob ich daz gemachen kan .
0,13806 mit mîneme hêren stille .
0,13807 daz nieman unsen wille .
0,13808 en gevreische danne Girfein .
0,13809 inde si danne tragen überein .
0,13810 daz hê danne den neven sîn .
0,13811 iuch gebe nifte mîn .
0,13812 vûre einen man inde einen hêren .
0,13813 ir en gewinnet es niemer mêre .
0,13814 schade noch schande .

0,13833 –[...] âne sünde inde âne man .
0,13834 sancte Marîe inde si genas .
0,13835 inde maget beleip als si was .
0,13836 durch den selben Jêsum Krist .
0,13837 sô erdâhte ich eine list .
0,13838 nifte inde half iuch her ab .
0,13839 umbe sîne liebe ich ouch begap .
0,13840 stete bürge inde lant .
0,13841 die alle stuonten zuo mîner hant .
0,13842 des bin ich in ellende .
0,13843 ir hette es missewende .
0,13844 nifte inde hôhe kûninginne vrî .
0,13845 ir en wært mir mit triuwen bî .
0,13846 ouch belîbe ich es in iuwerme râte .
0,13847 beide vruo inde spâte .”
0,13848 Galîe sprach “nifte hât gedult
0,13849 ir hât umbe mich des verschult .
0,13850 daz ich gerne überal . –[...]
0,13868 sint gewaltic inde gehêr .
0,13869 ein got inde negein mêr .
0,13870 dâr ane geloubet Orîe .
0,13871 sô tuon ich ouch Galîe .
0,13872 hêre durch dit bezziste
0,13873 wie si ouch uns entleste .
0,13874 des lâzet iuch hêre gedenken .
0,13875 dô mich wolte krenken .
0,13876 dê vile boese twâs .
0,13877 ire bruoder Orias .
0,13878 inde si ime daz bewerte .
0,13879 hêre inde si ouch herte .
0,13880 mit listen inde daz erdâhte .
0,13881 wie daz si uns brâhte .
0,13882 mit êren zuo Termis dô .”
0,13883 Karl sprach “nû râtet her zuo .
0,13884 wie daz ich es ir lône .
0,13885 daz êre habe die krône .
0,13886 inde ir vrouwe reine .”
0,13902 –[...] edel wîp inde wolegeboren .
0,13903 inde si Godîne ouch hete erkoren .
0,13904 in sîneme herzen stille .
0,13905 des muoste ir beider wille .
0,13906 vollegân âne widerrede .
0,13907 aldâ ûf der stete .
0,13908 Girfein hât zuo gesazt .
0,13909 inde hât zuo manne wettevast .
0,13910 Godînen sînen neven
0,13911 Orîen dâ gegeben
0,13912 Galîe wart sô gemeit .

0,13913 daz si langer niet en beit
0,13914 si en liefē dā si in spile
0,13915 mit juncvrouwen harte vile
0,13916 Orîen ire niften vant .
0,13917 sie rief sêre inde alzuohant
0,13918 “Orîe nifte botenbrôt”
0,13919 Orîe gewan eine varwe rô
0,13919a –[...] –[...] .
0,13919b in deme –[...] zuo Parîs .
0,13919c vore al den –[...] vürsten wîs .
0,13919d koufen zuo eineme wîbe .
0,13919e inde gap in zuo ireme lîbe .
0,13919f mit guoten willen sunder bete .
0,13919g beide bürge inde stete .
0,13919h ouch gelobete in Karl daz
0,13919i hê wolte in Orîe –[...] die –[...]
0,13919j die was –[...] –[...]
0,13919k enboben –[...] –[...] .
0,13919l durch –[...] –[...] –[...]
0,13919m inde wider helfen –[...]
0,13919n sô –[...] –[...]
0,13919o harte gemeit inde –[...] .
0,13919p –[...] –[...] brûtluft
0,13919q –[...]
0,13919r –[...] hêrschaf .